

**СЛУЖБА СВЯТЫМ
СВЯЩЕННОМУЧЕНИКАМ,
МУЧЕНИКАМ И ИСПОВЕДНИКАМ,
ИЖЕ ЗА ВЕРУ ХРИСТОВУ ОТ
БЕЗБОЖНЫХ
ГОНИТЕЛЕЙ ПОСТРАДАВШИМ**

*Вечер, на Господи возвах, стихеры на 8. Глас
1. Подобен: Небесным чином.*

Земная и тленная оставльше, о телесех и имениих небрегше, от беззаконных рук погубляеми, на небеса преселитесь, идеже со ангелы Христови предстояще, о мире мученицы молитесь. *Дважды.*

Небеснии Иеросалим восприят вас, во гласех светлаго радования, двери небесныя отверзюшася, и вси души праведных восхвалиша Господа, подавшаго вам терпение и крепость, скончати подвиг ваших течение.

Иже во единонадесятый час призвавшеся, гласом Небеснаго Владыки, усердно вземше крест на рамена своя, вослед Христови потекосте, и каплями честныя крове вашея, наследовасте жизнь вечную.

Ины стихеры, глас 4. Подобен: Званныи свыше.

Иже по́слежде мно́гих язы́к, согре́явшись луча́ми ве́ры, се́верная Ру́сская земля́, ны́не во времена́ послéдняя, израсти́ цвёты прекра́сныя, ихже ра́ди тает безбо́жия лед, и прогоня́ется лю́таго гонéния зима́, и благоуха́ет живонóсная благода́ть, Христа́ Бо́га на́шего, Егóже стра́дальцы моли́те, спасти́ и просвети́ти душа́ на́ша.

Иже вѣ́шняго зва́ния не посра́мивше, и прах житѣ́йския суеты́, крове́ми и поте́ми омывше, тмочисленныя болéзни претерпéсте, стúдень зѣ́мную и губѣ́тельные глад, труды́ и скóрби вѣ́ше естества́ и вся му́ки победи́ли есте́, иже свѣ́ше да́нною вам си́лою, от Христа́ Бо́га на́шего, Ему́же моли́теся, спасти́ и просвети́ти душа́ на́ша.

Иже се́явше слеза́ми, ны́не с весе́лием жне́те, клáсы безсме́ртныя пи́щи, сторѣ́чныи пло́д сотво́рше, в небе́сныя се́ла всели́стеся, от все́х конéц святору́сския землі́, но и ны́не до́блии стра́дальцы, иже моли́твенною росóю,

церковныя нѣвы напаяюще, ѓт глада нечестія
избавите, страну и люди отечества вашего.

Слава, глас б.

Мученически житіе скончавше, насѣяли
есте всю землю русскую, честнейшими паче
бисер драгоценных, святѣми вашими костмѣи,
Христовы исповѣдницы, архиереи и
священники, иноцы и бельцы, ѓтроки и женѣи
боголюбивыя, наипаче же Бѓгу возлюбленнии,
хранящу в мѣре душа вѣша, да в день
воскресѣния востанете со славою, яко
избранное воинство, яко светонѓсныи собѓр,
яко сынове и дщѣри Вѣшняго. ѐ, коль
дѓблественно вѣше исповѣдание, и
неизрѣченно воздаяние, премѣрная рѓдость
безконѣчная.

*И ныне, глас той же. Богородичен
воскресный.*

*Выход. Прокимен дню. Паремии 3,
мученикам.*

*На литии, стихера храму и стихеры
мученикам, глас 3.*

Пресла́вныи по́лче Царя́ небеснаго, Крестъ́ яко зна́мение побѣ́дное держа́ще, бронёю́ пра́вды облеко́стеся, и щитъ́ и́стинныя вѣ́ры воспри́ймше, вся стрѣ́лы вра́жия разжжѣ́нныя угаси́ли есте́, мечѣ́м же ева́нгельских глаго́л, огнеды́хающія зми́евы главы́ ссекóсте. Прииди́те на́ помощь нам, и свѣ́ше дарова́нною вам си́лою, ю́же на земли́ святу́ю Цѣ́рковь утверди́те, и непоро́чну во́ веки сохрани́те, да благоче́стно и единомы́сленно, сла́вим Христа́ еди́наго Го́спода.

И́же от ору́жия смертоно́сныи до́ждь, и темни́чное томлѣ́ние, и в струя́х во́дных потоплѣ́ние, и гла́дом и жа́ждею уморѣ́ние, хулы́ и клеветы́ пучи́ ны, огня́ Божественныя вѣ́ры, угаси́ти не возмогóша. Тѣ́мже моли́теся о́ нас, мученицы́ прехва́льнии, стезя́ми ва́шими благоче́стно ходи́ти, да во́ гласе послѣ́днїя трубы́, до́брыми дѣ́лы укра́шени яви́мся, сла́вяще Христа́ еди́наго Го́спода.

Дивенъ́ еси́ Христѣ́ во святы́х Свои́х, Бо́же но́ваго Изра́иля, и́же во проро́цех проповѣ́давыи Своѣ́ прише́ствие, и апо́столом о́гненныя язы́ки низпосла́в, и́же мученики на́

страсти укрепив, и преподобными чудеса содеявыи. И ныне прославися имя Твое, в подвизах страдалец Русския земли, отеческую веру соблюдших, и мучителей гордыню низложивших, и кровными их теченьми, освятися всяко место и град, ихже память торжествующе, славим Христа единого Господа.


Аще и святая ваша телеса безвестна, и от земнородных чести не прияша, но ангельскими лики тайно певаема, и места идеже о Бозе скончаетеся, благодатными светлостью озаряема. Но паче всех приношении вещественных, от нас примите песненное хваление, и яко истиннии ученицы Спасовы, достойно творити Его волю научите, да молитвами вашими спасаеми, прославим Христа единого Господа.

Слава, глас 5.

Радуися земле Россійская, ликуй и красуйся Церкви Божия, во гласе хваления воспой, возвеличися доброта моя паче всех, яко невеста бо Царева, украшена есмь багрянницею, от мученических кровей

истканною, и яко мать о чадах веселящися, зрю их яко солнце блистающа, во обителех Отца небеснаго. Их же чтуще память вернии, поревнуем их доброму исповеданию, да и мы сподобимся уллучити, свет и радость дне невечерняго.

И ныне, глас той же. Богородичен воскресный.

На стиховне, стихеры, глас б, самогласны. 

Реки русския потекоша червлены, от невинно пролитыя крове, солнце мрачною мглою покрыся, не хотящи видети сквернаго братоубиения, вся сия приидоша на ны, и не забыхом Тебе, Христе, и веры Твоея не отступихом.

Стих: Возваша праведнии, и Господь услыша их.

Отдал еси люди Своя без цены, огню и мечу на снадение, сотворив стезю гневу Своему, разорил еси юже на земли святыню Твою. Но положихом сердца наша яко твердые камень, и вся сия терпим о имени

7
Твоём, упование бо наше безсмертия
исполнь, аще и тмами смерть приемлем.

Стих: Многи скорби праведным, и от
всех их избавит я Господь.

Лето от лета, и зиму от зимы, новыя
людскія безчисленныя сонмы, полагаются в
землю, от скорби изнемогшую, и не перестаёт
неправедный суд, и в персть утроба раб Твоих
смирися. Но воскресни, Господи, помози нам,
и избави нас имене Твоего ради.

Слава, глас 2.

Приидите русстии собори, внидем во храм
священныи Христа Бога нашего, предварим
лице Его во исповедании, и во псалмах воскли
кнем Ему, приидите поклонимся и припадём,
и восплачемся пред Господем сотворшим нас,
и просвещьшим ны светом истинным, да
отмыет скверны яже от кровей, да очистит
телесное растление, да отымет советы
лукавствия, сердце чисто да созиждет в нас,
обновляя дух правыи во утробах наших.
Но О Вседержителю Владыко, ублажи
благоволением Церковь Свою, иже в

челове́цах да́ры прие́м, возноше́ния и
всесожега́емая, тёплым Твоя рачи́тели, иже на
небе́сный олта́рь Твой возло́жишася, моля́ще
спасти́ся душа́м на́шим.

И ныне, глас той же. Богородичен.

Тропарь, глас 5. По́двиги страстоте́рпец
Тво́их, в Руси́и восия́ша я́ко со́лнце, безбо́жия
отгоня́юще тму́ глубо́кую, и ве́рных сердца́
просвеща́юще. Молитва́ми их, Христе́ Боже́
наш, страну́ нашу́ утверди́ , и Це́рковь Свою́
во ве́ки неврежде́ну соблюди́ , и душа́ на́ша
спаси́ , я́ко благ и Человеколю́бец.

*На утрени, тропарь дважды. Слава, и
ныне. Богородичен.*

*По 1-й стихологии, седален, глас 4.
Подобен: Удивися Иосиф.*

Святителие, священницы и иноцы, и иже
от людска́го мно́жества всяк во́зраст и чин, на
суди́щи му́жески Христа́ испове́дасте, и
стра́ха ра́ди не отвергóстеся, но укрепля́еми
наде́ждею ве́чных благ, муче́ния и смерть
многообра́зне восприя́сте, те́мже

моли́твенно ва́шу па́мять чту́щия, от лю́тых бед и скорбе́й изба́вите. *Дважды.*

Слава, и ныне. Богородичен.

Уди́вися Ио́сиф па́че естéственное зря, и внима́ше мýслию ру́новнаго дождя́, в безсе́меннем зача́тии Твоём, Богоро́дице, купину́ огнём не опаля́ему, жезл Ааро́нов прозя́бшии, и свидéтельствуя́ яко обру́чник Твой и хранíteль, свяще́нником вопия́ше: Де́вая ражда́ет, и по рожестве́ па́ки Де́вою пребу́дет.

По 2-й стихологии, седален, глас 8. Подобен: Повеленное таинство.

Се́мена Евáнгелия Христо́ва, яко добропло́дная земля́ восприёмше, клас возрасти́ли естé свята́го испове́дания, сло́во истины дерзнове́нно пред мучíteли провещáвше, укори́ли естé сýетную человекобо́жных горды́ню, и всяку прелесть́ яко паучи́ну, развея́сте. Мы́ же, страдания́ ва́ша ублажа́юще, свéтло в пéснех зове́м: дивен еси́ во святых Своих, Христе́ Бо́же, сла́ва Тебе́. *Дважды.*

Слава, и ныне. Богородичен.

Повелѣнное таинство приѣм в разумѣ,
в кровѣ Иосифовѣ тщаніем предста
безплотныи, глаголя Неискусней браку:
Преклонѣи схождѣнием небеса, вмещается
неизмѣнно весь в Тя. Егѡже и видя в ложеснах
Твоих, приимша рабии зрак, ужасаюся звати
Ти: радуися, Невесто неневестная.

Псалом избранный мученикам.

*По полиелеосе, седален, глас 8. Подобен:
Премудрости.*

Премудрости вышняя светом озарившеся,
и жизнь вечную юже на небесех возлюбивше,
ко тщегласием богоборных слухи не
преклоните, и всякаго земнаго мудрования,
яко ветхих риз совлекостеся, но облекшеся во
броня правды, глаголом Божиим поразили
есте сопостаты. Сего ради на небесех
праведным венцем венчаетеся, добропобеднии
мученицы, молитѣ Христа Бога грехом
оставление даровати, празднующим
любовию святую память вашу.

Слава, и ныне. Богородичен.

Яко Деву едину в женах, Тебе рождшую
без семени Бога плотию, вси ублажаем родове
человечести. Огнь бо вселися в Тя

божественныи, и яко младенца дойши Зиждителя и Господа. Темже ангельскийи и человекескийи род, непрестанно славим пресвятое Рождество Твое, и согласно вопием Ти: моли Христа Бога, согрешением оставление даровати, воспевающим достойно славу Твою.

Степенна, антифон 1-й 4-го гласа.

Прокимен, псалом Давыдов. Дивен Бог во святых Своих, Бог Израилев.

Стих. В церквах благословите Бога Господа, от источник Израилев.

Евангелие, от Луки, зачало 105.

По 50-м псалме, стихера, глас 6.

Егда отверзется пятая печать, явися души праведных, избивенных за слово Божие, и о отмщении вопияху ко Владыце, и речено им бысть, да почиете еще мало время, дондеже скончаются и братья ваша, ради имени Моего умерти имущии, и тако да наполнятся избранных число, и да внидут в вышния чертоги, причаститися нетленные вечери. Взыдем убо и мы, братие, яко девы светильники украсивше, Небесному Жениху

во срѣтение, а́нгельски пою́ще, аллилу́ия, аллилу́ия, аллилу́ия.

Канон Пресвятей Богородице, со ирмосы на 6. Канон святым на 8. Глас 8.

Песнь 1. Ирмос. Поём Го́сподеви, проведшему лю́ди Сво́я, сквозе́ Чермно́е мо́ре, я́ко еди́н сла́вно бо просла́вился.

Запев: Святѣи мученицы, моли́те Бо́га о нас.

Поём Го́сподеви, просветѣвшему де́нь прѣзднественныи, па́мяти страсотѣрпец Своѣх, я́ко еди́н сла́вно бо просла́вился.

Ра́достно прехождѣние ва́ше, О святѣи, сквозе́ чермну́ю пучѣну страда́нии, и ны́не изба́вьшеся от гоня́щих, в землі крѣтких поетѣ, сла́вно бо просла́вился.

О́ браз Бо́ жии в се́рдцы соблю́дше, и обру́чение Ду́ха досто́йно сохрани́вше, Обру́ченику Небе́сному в весѣлии предстоите, сла́вно бо просла́вился.

Слава. Слова́ ева́нгельская на се́рдечных скрижа́лех, пе́рстом Бо́жиим напи́сана иму́ще, по го́рам безме́рных му́к, во свѣт непристу́пныи внидо́сте, сла́вно бо просла́вился.

И ныне. Твоея ми лости не отъими от раб недостойных, Дево, да возвещающе чудеса Твоя, иже из Тебе Рожденному во хвалении поем, славно бо прославися. *Катавасия по уставу.*

Песнь 3. Ирмос. Ты еси утверждение притекающим Ти, Господи, Ты же свет омраченным, и поет Тя дух мой.

Исусовы свидетелие, мучителем мужески зывааху: не глаголите высокая в гордыни, яко Той судит концем земли, и крепостию низложит враги Своя.

Гласы боговещанными, прославиша едино в Троице Божество, вернии страдальцы, и иже все безмерно хвалящагося, во адовы пропасти низвергоша.

Слава. Основани на Христове твердем камени, не устрашишася нечестия духа бурна, и гонения вознесенными волнами, никакоже поколебашася.

И ныне. Слово единородное Отца небеснаго, паче слова на земли воплотила еси, Дево Богорадованная, сего ради земнии купно со ангелы, светло воспеваем Тя.

Седален, глас 8. Подобен: Премудрости.
 Премірную славу Бóжию душевными очесы́
 ясно зряще, прещѣния мучительская ни во
 что́же вменѣсте, сілою Крестá укрепляеми, и
 пáче пламене любóвию Христóвою
 распала́еми, во искушѣний разжжѣнную пѣщь,
 красными нога́ми внидо́сте, всяк вид мучѣния
 и тесноты́, злохулѣния и безчѣстия претерпѣли
 естѣ. И ны́не во обителех вожделѣннаго Спáса
 и Влады́ки своегó, в мѣсте прохладне, на водѣ
 покойне веселѣтесе, страда́льцы. И нас ѣже
 воспева́ющих победоно́сная борѣния ва́ша, в
 житѣйских напáстех заступѣте, и к царствию
 небѣсному наста́вите, тёплыми ва́шими
 моли́твами. *Дважды.*

Слава, и ныне. Богородичен. В напáсти
 многоплѣтенныя впа́д, от вра́г ви́димых и
 неви́димых, молво́ю одержѣмь есмь, от
 безме́рных прегрѣшѣнии моѣх, и я́ко к
 тёплому заступлѣнию и покрóву моему́,
 Чѣстая, ко пристáнищу притека́ю Твоея́
 бла́гости. Тѣмже, Пресвятáя, из Тебѣ
 Воплощённому без се́мене, моли́ся о всѣх
 рабѣх Твоѣх, непреста́но пою́щих Тя,
 Богорóдице Пречѣстая, моля́щи Тогó
 прилѣжно, согрѣшѣнием оставлѣние дарова́ти,
 поклоня́ющимся вѣрою Рожеству́ Твоему́.

Песнь 4. Ирмос. Услы́шах, Го́споди, смотре́ния Твоего́ та́инство, разуме́х де́ла Твоя́, и просла́вих Твое́ Божество́.

Отца́ ва́шего дья́вола лже́ю превзыдо́ сть богобо́рцы, дерзнове́нно святи́и вопия́ху, рай без́ Бога вотще́ создати́ покуси́вшесе́, глада́ и у́жаса, и убий́ства, зе́млю Ру́сскую напо́лнили есте́.

Душа́ на́ша внего́да́ смуща́шесе́, от гнева́ и я́рости а́спид ядови́тых, предста́ нам, О́ дру́ги, Подвигополо́жник Иису́с, любо́вию держа́вною укрепля́я на́с.

Исцели́, Мило́стиве, сокруше́ния землі́, я́ко подви́жесе́, от нече́стия́ и братоненавиде́ния, да в ра́нах теле́с на́ших, процвете́т ра́дость и весе́лие ве́чное.

Слава. Го́споди мой, си́ла моя́, возведи́ но́зе мой на высо́кая, сокруша́ти невиди́мым зми́ем главы́, и горды́нныя гла́сы вра́г Твои́х, пе́снию Твое́ю побежда́ти.

И ныне. Ра́дуйся, Гра́де непобеди́мыи, ра́дуйся, ве́рным Стено́ неруши́мая, порази́ иже́ все́ вражду́ющих на ны́, держа́вною си́лою Сы́на и Бо́га Твоего́, Влады́чице ми́ру пренепоро́чная.

Песнь 5. Ирмос. Просвети нас повелением Си, Господи, и мущею высокою, Твоего мира подаждь нам, еди́не Человеколю́бче.

Еди́на то́чию да сла́вится Му́дрость, Ею́же небеса́ простёрта, и земля́ на основании своём утверже́на, я́ко свет повеления́ Твоя́, Христе́, и́мже научи́вшись, не по́ткнемся во́ веки.

Христе́ Спасе́, высока́ Твоя́ десни́ца, и да разуме́вше посты́дятся чужемудре́ннии, не отри́ни зе́млю досто́яния Твоего́, стяжи́ ны, ра́зве бо Тебе́ ино́го не зна́ем.

Слава. Иису́сово пребожественное и́мя, при́сно в сердца́х и во устне́х Его́ лю́бящих, кая́ждо у́бо ка́пля кро́ве их проли́ты я, от земли́ возвестит́ Его́ во́ веки.

И ныне. Родила́ еси́ плоти́ю, О́ Мари́е, Еди́наго от Неразде́льныхя Трóйцы, челове́ком восия́ла еси́ я́ко утро́, трисо́лнечными незаходи́мыми явля́я Свёт.

Песнь 6. Ирмос. Ри́зу ми пода́ждь свётлу, оде́йся свётом я́ко ри́зою, многомилостиве Христе́ Бо́же наш.

А́нгельское пение́ во храме́х разорённых слы́шится, святы́ня бо Господня́, нечестивыми рука́ми непоруши́ма, но пребыва́ет в долготу́ дней.

Буди́ и́ мя Госпо́дне благосло́венно,
пре́жде со́лнца пребы́вающее, безу́мных же
хули́тель па́мять без вести поги́бнет, снѣ дет
даже до ада́ преиспо́дняго.

Слава. Умрети́ вам, святи́и, ра́достно е́сть,
но Бо́га жива́го ненави́стником, а́дова уста
зия́ют у́жасом. О́ тѣмныя лжи́ предста́тели,
нечѣстием сво́им бо сво́им погубо́ша.

И ныне. Тво́им ми́лостивным покрóвом,
осени́ рабы́ Своя́, Влады́чице, Покрыва́ющаго
бо небеса́ добродѣтелию, па́че сло́ва на земли́
родила́ еси́.

*Кондак, глас 1. Подобен: Иже утробу
Девичу.*

Всем сѣрдцем е́же на́ небесех жити́е
возлюб́ивше, тогó ра́ди мѣртвенных телѣс
ва́ших не пощади́ли есте́, на му́ки и уби́ения
от беззакóнных преда́еми, всю́ зѣмлю
Ру́сскую кровны́ми пото́ки напо́йте, и ны́не
верным на́ помощь предста́ните, моля́ще о
на́с еди́наго Человеколю́бца.

Икос. Отвсю́ду хри́стобóрною я́ростию
гонѣ́ми, и́же zde пребы́вающаго гра́да не
иму́ще, гряду́щи же Иеросали́м небѣсныи
взыска́вше, Крест Хри́стов па́че красных
ми́ра сегó возлюб́или есте́, поноше́ния и ра́ны

Его́ носяще, струя́ми кровей ва́ших в смерть
 Его́ креще́нием спогрѣбшеся, да и
 воскресѣ́нью Его́ прича́стницы бу́дете.
 Послѣ́дних вре́мен испове́дницы, пресвѣ́тлая
 красото́ церко́вная, росси́йская похвало́ и
 утверже́ние, моли́те о нас еди́наго
 Человеколю́бца.

Песнь 7. Ирмос. Бо́жия схожде́ния огонь
 устыде́ся в Вавило́не дре́вле, сего́ ра́ди о́троцы
 в пещи́ ра́дованною ного́ю, я́ко во́ свете,
 ликова́ху пою́ще, благослове́н Бог оте́ц
 на́ших.

Ели́ки яви́ша нам ско́рби мно́ги и злы, но
 премно́гою Твое́ю благода́тию, Спа́се,
 вменѣ́нных Тебе́ ра́ди, я́ко о́вцы на заколе́ние,
 к жи́зни вѣ́чной, от земли́ забвѣ́ния
 возво́диши.

Ма́ло ещѣ́ потерпе́йте, О ча́дца, с ва́ми бо
 е́смь в темни́цах и гоне́ниях, с ва́ми в зѣ́млю
 оледене́лую, ты́сящми тел полага́юся, да в
 сия́нии сла́вы я́ко от сна́ воста́влю, в
 непреста́нную ра́дость ца́рствия Моего́.

У́же мучи́телей я́рость изнемо́же, вся́ко
 ухищре́ние зло́бы исто́щися, вся́ ору́жия, я́ко
 стрѣ́лы младе́нец сломи́шася, и веселя́щися

Цѣркви величáет Христá, благословѣн Бог отѣц нáших.

Слава. Скончáшася Тебѣ рáди в поношѣнии, всякого рóда христороубívых мнóжества, никоегóже от человек заступлѣния не приѣмше, евáнгельским вѣрующе словесѣм, я́ко несть студá уповáющим на Тя, благословѣн Бог отѣц нáших.

И ныне. Едíна избрáнная пáче всех гор, Бóжия Горó усырѣнная, от Неяже Кáмень Хрíстос отсечѣся не рука́ми челове́ческими, моли́ Сегó, да сокруши́т горды́ню лжеимѣннаго рáзума, благословѣн Бог отѣц нáших.

Песнь 8. Ирмос. Мусикíйским оргáном соглася́щим, и лю́дем без числа́ клáняющимся, телу́ сýщу на молѣбнем, триѣ óтроцы песносла́вяху Гóспода, пойте и превозносите Егó во веки.

Рúсских удóлий избрáннии цвѣти, в пусты́ни сѣверныя ввѣржени, благоухáнныя моли́твы Гóсподеви возсыла́ху, лед и снег, гóры и вѣртыпы, и прóпасти земны́я оглаша́юще, пойте и превозносите Егó во веки.

Гóрькую мучéния чáшу, я́ко мéда и со́та
сладча́йшу приéмлюще, я́ко на бра́чную
трапéзу, святи́и на́ смерть грядúще вопия́ху,
Гóспода по́йте и превозно́сите Егó во веки.

Истинéн живóт нам, éже со Христóм б́йти,
сéй же, я́ко тлéнен, оста́вити не убо́имся,
Иеросали́м бо но́выи, с небесé сходя́щъ, я́ко
неве́ста укра́шен, зря́ще, Гóспода поéм и
превозно́сим во веки.

Благословим Отца и Сына... Ю́ноши и
ста́рцы, священни́цы и по́стницы, и невест
Христóвых лик избранны́и, вослéd Женихú
крестоно́сно потеко́ша, огонь и во́ду, глад и
меч попра́вше, взыва́ху, Гóспода по́йте и
превозно́сите Егó во веки.

И ныне. Истинную Богорóдицу всí язы́цы
сла́вим Тя, я́ко Бо́га Сло́ва, Творца́ всяческим,
в челове́ка по все́му обóлкшася, на обоже́ние
земны́м роди́ла еси́, Егóже я́ко Гóспода поéм и
превозно́сим во веки.

Песнь 9. Ирмос. Чúже есть ма́терем де́вою
б́йти, и страна́но де́вам де́ти ражда́ти. На Тебе́,
Богорóдице, обоé смотре́ние б́исть. Тем Тя
вся племена́ земна́я непреста́нно велича́ем.

Éже написа́х грéшною руко́ю, ника́коже
ва́шея похвалы́ досто́йно, мучени́цы сла́внии,

но вознесіте к Матери Сло́ва моли́твенныи глас, да научи́т мя глаго́лати и твори́ти полéзная, Ю́же вси ве́рнии непреста́нно велича́ем.

Ра́достную Цари́це пéснь воспева́юще, и́же из Нея́ Рожде́ннаго добрóту, па́че всего́ ми́ра мученицы возлюб́ивше, в пренебéсную цéрковь Царéву приведóшася, Ю́же вся племена́ земна́я непреста́нно велича́ем.

Слава. Еди́но сла́вим в три́ех ли́цах Божество́, поём Отца́ нерождéнна, и и́же от Нéго безлётно восия́вша Сы́на, и нераздéльно исходя́ща Свята́го Ду́ха, правосла́вною ве́рою непреста́нно велича́ем.

И ныне. Ю́же я́ко непорóчныи крин, посреди́ тёрния обрёт, Сло́во Бо́жие Единорóдное, и всели́ся в Тя, благоухáние нетлéния ми́рови источи́, смёртную воню́ до конца́ отъёмлющее. Тём Тя вси́ рóди непреста́нно велича́ем.

Светилен. А́ще и нас, ве́рных ра́б Твои́х, во тьме́ и сени́ смёртней затвори́ша, рекоша страдальцы, но и тьма не помрачит́ся от Тебе́, и но́щь я́ко день просвети́тся. Во́ свете бо любве́ Твоея́, узрим свет незаходимыи Цáрствия Твоего́, Христé Спа́се. *Дважды.*

Слава, и ныне. Богородичен. День дни отрыгаёт глагол, и ночь нощи возвещает разум, дивных чудес Ти, Богоневесто Марие. И ныне просвети тму грехов моих, Солнце бо правды родила еси, миру яко утренняя звезда восиявши.

На хвалитех, стихеры на 6. Глас 4. Подобен: Дал еси знамение.



Вдавши себе на муки, святии Твои Господи, иже естество наше мучащаго, Велиара поразиша, и безбожия тьмы предстателем, страшни показашася, паче солнца блистающими лучами подвиг своих, имиже одержавший мрак страстей отженен, Иисусе всесильне, Спасе душам нашим.

Дал еси заступление, людем Твоим, Господи, добропобедныя мученики, имиже вся коварствия вражия упразднися, и пребывает избранная Церкви Твоя, яко дева свята и непорочна, юже во веки стяжал еси, честною кровию Своею, Иисусе всесильне, Спасе душам нашим.

По́даждь исцелѣ́ние, болѣ́знем на́шим,
 Го́споди, многоболѣ́зненныя скѣ́рби и труды́,
 свидѣ́телей Твои́х и страда́льцев, и я́ко
 врачевствѣ́ безме́здное, раны́ я́же Тебе́ ра́ди
 воспри́яша, да возвестя́тся во язы́цах чудеса́
 Твоя́, ми́лости и щедро́т Подáтелю, Иису́се
 всеси́льне, Спа́се душа́м на́шим.

Ины стихеры, глас 6. Подобен: Тридневно.

Я́ко иску́си л ны еси́ Бо́же, разжже́ ны
 я́коже разжиза́ется сребро́, мученицы со
 дерзнове́нием взыва́ху, и сквозе́ огонь и во́ду
 проше́дше, светле́е злата́ блиста́ема
 яви́шася.

Я́ко та́ет ск от лица́ огня́, та́ко да поги́
 бнет вся́ко нече́стие, от пла́мене святы́х е́же
 ко́ Христу́ любве́, и похваля́юще по́двиги их,
 праведником сердца́ да возвеселя́тся.

Земни́и концы́ по́йте Го́спода, возшед бо
 на́ небо небѣ́сное, и я́ко звезда́ми восточны́я
 страны́ озари́в, пресвѣ́тлыми со́нмы мученик,
 и́же на коне́ц веко́м в Руси́и восия́вшими.

Слава, глас 8.

Му́чеником зна́мение непосты́дное, Крест Твой Христе́ дарова́л еси́ . Стра́сти бо Твое́й подо́бящися, ру́це и но́зе и плещи́ своя, у́зам и мечу́ преда́ша, но ра́нами и сме́ртию их, умертви́ся всяко нечестивых мудрова́ние, врагу́ оскуде́ша ору́жия в коне́ц, и кре́пости его́ разруши́л еси́, поги́бе па́мять его́ с шу́мом, Ты́ же, Го́споди, пребыва́еши во́ веки.

И ныне, глас той же. Богородичен.

Кров Твой, Богоро́дице Де́во, врачевство́ есть духо́вное, в о́нь бо прибега́юще, от душе́вных недуѓ избавля́емся.

Славословие великое, и ектении, и прочая по уставу.

На литургии, блаженны, от канона святым песни 3-я и 6-я.

Прокимен, псалом Давыдов. Святы́м иже суть на земли́ Его́, удиви́ Госпо́дь вся во́ля Своя́ в них. Стих. Предзрѣх Го́спода предо мно́ю вѣну, я́ко одесну́ю мене́ есть, да сѧ не подвѣжу.

Апостол, к Ефесеом, зачало 233. Псалом Давыдов, аллилуия. Стих. Возва́ша пра́веднии, и Госпо́дь услы́ша их, и от всех печа́лей их изба́ви их. Стих. Мнóги ско́рби пра́ведным, и от всех их изба́вит я Госпо́дь.

Евангелие, от Иоанна, зачало 52.

Причастен. Ра́дуйтесь пра́веднии о́ Господе, аллилúия.